

Н ä ä р и н а с х н

Көвүд күүкд хоорндан
Көдлн йовдж күүнднә,
Кенәд цуглрдж нәәрлхән.
Келәд оларн зөвшлнә.

Нәәрин асхнлан адгъдж
Нәәгъинь олдж көдлнә,
Өдрә көдлмштән шилтдж,
Өгсн зурагъинь давулна.

Багъчуд цуглрад ирв,
Байрта нәр эклв,
Ценънсн сеир дууднь
Ца-цаагъан джинънв.

Делгр ломбран цокна,
Даралдулад бернән дарна,
Күүкд көвүд байсна,
Хүнъкнсн айснь орна.

Халад көвүн босна,
Хойр көлән мулджна,
Дал-ээмән чичрүлнә,
Дохчад доран эргнә.

Күүкн эндәснь тосна,
Күүкль арднь шавшна,

Күрнъ бишмүднь саглрна,
Көвүнлә эргдж тошна.

Шуугсн багъчуд дундас
Сүрәлкдж негнь хөкрлнә:

„Хальмгин теегин үрн

биләч,

Халун зүрктә күргн биләч,

Келсн күүкнә хаджугъар

Керм кевтә шуугад од,

Зузан госан цокн од,

Зүркн-голинъ чичрүлн од,

Күргнә өөрәгъәр джирлзәд

од,

Көлән күргн тошад од,

Күчр сәәхнән үзүлн од,

Күндтә ухагъан медүлн од“.

* * *

Байрта нәр көтрв,

Багъчуд дууллада гарв.

Өмнк джиргълән уктдж

Өдриннь көдлмштән адгъв.

САНЪГЪДЖИН Бося.